



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

მოდებაძე ვლადიმერ კონსტანტინეს ძე

მოდებაძე ვლადიმერ კონსტანტინეს ძე (29. I. 1915, გესტაფონი, – 9. XII. 1985, მოსკოვი), საბჭოთა გენერალ-მაიორი (1967). II მსოფლიო ომის (1939–45) მონაწილე. დაამთავრა ამიერკავკ. კავშირგაბმულობის ელექტროტექნიკუმი (1933), ფრუნზეს სახ. სამხ. აკადემია. 1936 გაინვიეს ჯარში. იბრძოდა ესპანეთში (1938–39), სსრკ. – ფინეთის ომში (1939–40); იყო ამიერკავკასიის სამხ. ოლქის დაზვერვის განყოფილების უფროსის თანაშემწე (1940–41); იბრძოდა ყირიმის ფრონტზე, მონაწილეობდა ქერჩ-ფეოდოსიის სადესანტო ოპერაციაში. 1942 დანიშნეს შავი ზღვისპირეთის ჯარების დაჯგუფების შტაბის დაზვერვის განყოფილების უფროსად; 1943 გადაიყვანეს უმაღლესი მთავარსარდლობის ბანაკის ერთ-ერთი სტრატეგიული შენაერთის ოპერატიული განყოფილების უფროსად. იყო სსრკ შეიარაღებული ძალების გენ. შტაბის მთ. სადაზვერვო სამმართველოს ოპერატიულ-ტექნ. განყოფილების უფროსის მოადგილე (1968–82). მიღებული აქვს სახელმწ. ჯილდოები.

მ. გოგიტიძე
